



basic education

Department:
Basic Education
REPUBLIC OF SOUTH AFRICA

**NASIONALE
SENIOR SERTIFIKAAT**

GRAAD 12

**LEWENSORIËNTERING
ALGEMENE ASSESSERINGSTAAK
6 SEPTEMBER 2021**

PUNTE: 100

TYD: 2½ uur

Hierdie vraestel bestaan uit 9 bladsye.



INSTRUKSIES EN INLIGTING

1. Hierdie vraestel bestaan uit drie afdelings, naamlik AFDELING A, AFDELING B en AFDELING C.
2. Die vrae in AFDELING A en AFDELING B is VERPLIGTEND.
3. Beantwoord enige TWEE vrae in AFDELING C.
4. Lees AL die vrae aandagtig deur.
5. Nommer die antwoorde korrek volgens die nommeringstelsel wat in hierdie vraestel gebruik is.
6. Skryf netjies en leesbaar.



AFDELING A (VERPLIGTEND)

Beantwoord AL die vrae in hierdie afdeling.

VRAAG 1

1.1 Verskeie opsies word as moontlike antwoorde op die volgende vrae gegee. Kies die antwoord en skryf slegs die letter (A–D) langs die vraagnommers (1.1.1 tot 1.1.5) in die ANTWOORDEBOEK neer, bv. 1.1.6 D.

1.1.1 'n Funksie van die Nasionale Normtoets (NNT) kan wees om ...

- A 'n potensiële kandidaat, wat 'n spesifieke studieveld wil volg, se vermoëns, sterk punte en swak punte te bepaal.
- B studente te adviseer oor watter tipe finansiële hulp op grond van die toetsresultate vir hulle beskikbaar is.
- C te assesser of potensiële studente vir gewone toelating of uitgebreide programme in 'n spesifieke kursus kwalifiseer.
- D tersiêre instansies in staat te stel om studente in enige ander studieveld te plaas wat op daardie tydstip beskikbaar is.

1.1.2 Verduistering is 'n onwettige handeling om ...

- A geld, goedere of eiendom te bekom deur ander mense te mislei.
- B iets, veral geld, deur dwang of dreigemente te verkry.
- C gratis vergoeding te gee of te ontvang om iemand se aksies te beïnvloed.
- D in die geheim geld te neem wat aan die maatskappy waarvoor jy werk, behoort.

1.1.3 Voorbeelde van gesondheidsverwante komponente van fiksheid:

- A Liggaamsamestelling, spieruithou vermoë en reaksietyd
- B Spieruithou vermoë, kardiovaskulêre fiksheid en soepelheid
- C Koördinasie, kardiovaskulêre fiksheid en spierkrag
- D Kardiovaskulêre fiksheid, soepelheid en liggaamsamestelling

1.1.4 'n Evaluering van 'n impakstudie word gedoen om ...

- A al die nodige hulpbronne gereed te hê om die ingryping te voltooi.
- B die stappe te identifiseer wat nodig is om daardie spesifieke ingryping uit te voer.
- C te besluit wie in beheer van die uitvoer van die ingryping sal wees.
- D die veranderinge as gevolg van spesifieke ingryping te bepaal.

1.1.5 Die Wet op Gelyke Indiensneming (WGI), 1998 (Wet 55 van 1998) het ten doel om ... te reguleer.

- A sielkundige toetsing en assessering van voornemende werknemers
 - B die reg van werkers om nie by die werkplek uitgesluit te word terwyl hulle staak nie
 - C deelname van werknemers aan besluitneming deur middel van werkplekforums
 - D indiensneming van jong kinders onder die minimum skoolverlatingsouderdom
- (5 x 1) (5)



- 1.2 Gee EEN woord/term vir ELK van die volgende beskrywings. Skryf slegs die woord/term langs die vraagnommers (1.2.1 tot 1.2.3) in die ANTWOORDEBOEK neer.
- 1.2.1 'n Toestand wat vermy kan word deur gereeld water tydens liggaamlike opvoedingsaktiwiteite te drink (1)
- 1.2.2 Die term wat 'n persoon beskryf wat 'n uitsonderlike vermoë, kennis en gesonde verstand oor die gebruik van moderne tegnologie toon (1)
- 1.2.3 Die vermoë om 'n beheerde liggaamsposisie tydens 'n dansbeweging te handhaaf (1)
- 1.3 Beantwoord die volgende vrae deur die antwoord langs die vraagnommers (1.3.1 tot 1.3.4) in die ANTWOORDEBOEK te skryf. Skryf jou antwoorde in volsinne.
- 1.3.1 Gee TWEE voorbeelde van moontlike geslagsongelykheidspraktyke in die werkplek. (2 x 1) (2)
- 1.3.2 Verduidelik hoekom die rook van sigarette 'n negatiewe uitwerking op jou fisiese voorkoms kan hê. (1 x 2) (2)
- 1.3.3 Hoekom, dink jy, behoort munisipaliteite regulasies gereeld aan te pas? (2 x 1) (2)
- 1.3.4 Bespreek die belangrikheid daarvan om haalbare gesondheids- en fiksheidsdoelwitte te stel. (1 x 2) (2)
- 1.4 Lees die bron hieronder en beantwoord die vrae wat volg. Skryf jou antwoorde in volsinne.

ENTREPRENEURSKAP: PLAN A, B of C?

**Wat Elke Entrepreneur
Moet Weet !**

KARAKTERTREKKE	PROBLEEMOPLOSSER
RISIKONEMER	FINANSIËLE LEWENSVATBAARHEID

[Aangepas uit www.entrepreneur-headlines.co.za. Toegang op 16 Februarie 2021 verkry.]

- 1.4.1 Verduidelik waarom entrepreneurs risikonemers moet wees. (1 x 2) (2)
- 1.4.2 Beveel EEN manier aan waarop 'n potensiële entrepreneur kan bepaal of 'n besigheidsgesleentheid finansiële lewensvatbaar sal wees. Motiveer jou antwoord. (1 x 2) (2)

TOTAAL AFDELING A: 20



AFDELING B (VERPLIGTEND)

Beantwoord AL die vrae in hierdie afdeling. Skryf jou antwoorde in volsinne.

VRAAG 2

Bestudeer die uittreksel hieronder en beantwoord die vrae wat volg.

DIE BELANGRIKHEID VAN KOMMUNIKASIE

Ons persoonlikhede beïnvloed hoe doeltreffend ons met ander kommunikeer. Daarom is dit nodig om gepaste persoonlikheidseienskappe te ontwikkel om verskillende persoonlikhede, emosies en konfliktsituasies in die lewe doeltreffend te hanteer.

Om emosioneel gesond te wees, beteken nie noodwendig dat jy die heelyd gelukkig is of dat jy met jouself en jou verhoudings met ander tevrede is nie. Dit beteken eerder dat jy van jou gevoelens en gedagtes oor jouself, sowel as dié van ander, bewus is.

Hierdie bewustheid en erkenning kan jou help om beter hanteringstrategieë te ontwikkel wat gebruik kan word om konflik of veranderinge in verhoudings te hanteer.

[Aangepas uit www.familydoctor.org. Toegang op 25 Januarie 2021 verkry.]

- | | | | |
|-----|--|---------|-----|
| 2.1 | Gee 'n definisie vir die term <i>persoonlikheid</i> . | (1 x 2) | (2) |
| 2.2 | Noem TWEE faktore wat daartoe kon bydra dat 'n jong persoon positiewe persoonlikheidseienskappe tydens die kinderjare ontwikkel het. | (2 x 1) | (2) |
| 2.3 | Verduidelik hoe 'n negatiewe houding teenoor die lewe jou kommunikasie met ander kan beïnvloed. | (1 x 2) | (2) |
| 2.4 | Bespreek waarom die vermyding van konflik vir enige verhouding ongesond is. | (2 x 2) | (4) |
| 2.5 | Waarom, dink jy, kan skikking (kompromieë aangaan) nie altyd as die mees ideale manier beskou word om meningsverskille op te los nie? | (2 x 2) | (4) |
| 2.6 | Hoe sou jy jou manier om veranderinge in enige verhouding te hanteer, verbeter? Dui ook in ELKE antwoord aan hoe die verbetering van hierdie hanteringsvaardighede jou kan help om die veranderinge in jou verhoudings te aanvaar. | (2 x 3) | (6) |

[20]

VRAAG 3

Lees die uittreksel hieronder en beantwoord die vrae wat volg.

ORLEEF EKSAMENS

Die aflê van eksamens is bewys as die moeilikste aspek van algemene assessering van studente. Die meeste studente drui 'n assessering, nie omdat hulle die inhoud nie ken nie, maar omdat hulle nie die vrae binne die bepaalde tyd doeltreffend kan beantwoord nie.

Om jou inhoud te ken, beteken nie altyd dat jy eksamenvrae suksesvol kan beantwoord nie omdat daar faktore is, soos hoe om angs te hanteer, wat 'n bepalende rol in jou sukses in 'n eksamen speel.

Interessant genoeg is eksamenskryfvaardighede, soos tydsbestuur, tipiese lewensvaardighede, want dit kan gebruik word om die daaglikse vereistes van die lewe te hanteer.

[Aangepas uit www.study-help/understanding-question. Toegang op 15 Februarie 2021 verkry.]

- | | | | |
|-----|---|---------|-------------|
| 3.1 | Gee 'n definisie vir die term <i>studievaardighede</i> . | (1 x 2) | (2) |
| 3.2 | Onderskei tussen die volgende aksiewoorde soos dit in 'n eksamenvraestel gebruik word: | | |
| | <ul style="list-style-type: none"> • Illustreer • Identifiseer | (1 x 2) | (2) |
| 3.3 | Verduidelik EEN voordeel daarvan om jou antwoorde te beplan wanneer jy 'n eksamen aflê. | (1 x 2) | (2) |
| 3.4 | Bespreek TWEE maniere waarop jy tydens 'n eksamensessie angs doeltreffend kan hanteer. | (2 x 2) | (4) |
| 3.5 | Assesseer hoe tydsbestuursvaardighede jou kan help om doeltreffend in jou graad 12-assesserings te presteer. | (2 x 2) | (4) |
| 3.6 | Hoe sal jy jou leesvaardighede aanpas om eksamenvrae doeltreffend te beantwoord? Dui ook in ELKE antwoord aan hoe dit jou vermoë kan verbeter om maksimum punte vir 'n vraag te behaal. | (2 x 3) | (6) |
| | | | [20] |

TOTAAL AFDELING B: 40



AFDELING C

Beantwoord enige TWEE vrae in hierdie afdeling.

Jou antwoorde moet uit **paragrafe** bestaan. Punte sal SLEGS toegeken word vir antwoorde wat in volsinne geskryf is.

VRAAG 4

Lees die uittreksel hieronder en beantwoord die vrae wat volg.

DIE VERWOESTING VAN KRISISSE EN RAMPE

Die onvoorsiene verwoesting wat veroorsaak is deur wêreldwye krisis en rampe, soos die Covid-19-pandemie en MIV/Vigs, het 'n beduidende uitwerking op mense dwarsoor die wêreld gehad. Die vinnige verspreiding van sulke siektes veroorsaak wêreldwye krisis wat 'n ernstige impak op die lewensbestaan¹ van mense het.

Woordelys:

¹lewensbestaan: inkomste, indiensneming, besigheid en werk

[Aangepas uit <https://www.medicalnewstoday.com>. Toegang op 29 Januarie 2021 verkry.]

Skryf paragrawe oor **krisisse en rampe**.

Gebruik die volgende as 'n riglyn:

- Noem VIER voordele vir 'n persoon wat 'n siekte vroeg genoeg ontdek. (4 x 1) (4)
 - Analiseer die negatiewe uitwerking van mense se persoonlike sieninge oor aansteeklike siektes op die gesondheid en veiligheid van mense. (2 x 4) (8)
 - Evalueer die impak van 'n krisis, soos die wêreldwye Covid-19-pandemie, op die huidige tendense in die arbeidsmark. (2 x 4) (8)
- [20]**



VRAAG 5

Lees die uittreksel hieronder en beantwoord die vrae wat volg.

KRITIESE ANALISE VAN DIE MEDIA

Beperkings op die vryheid om jou mening te gee, verseker openbare veiligheid, terwyl die toenemende digitale gaping¹ tussen verskillende groepe in die samelewing 'n negatiewe uitwerking op toegang tot inligting vir almal het.

Woordelys:

¹digitale gaping: ongelykhede om toegang tot inligting en kommunikasietegnologie te verkry

[Aangepas uit <https://www.justice.gov.za>. Toegang op 29 Januarie 2021 verkry.]

Skryf paragrawe oor ***beperkinge en toegang tot inligting***.

Gebruik die volgende as 'n riglyn:

- Noem VIER maniere waarop die media toegang tot inligting vir alle gemeenskappe kan verseker. (4 x 1) (4)
 - Analiseer hoe beperkings op die media se reg op vryheid om hulle menings te gee, kan help om openbare veiligheid te bevorder. (2 x 4) (8)
 - Bespreek krities die impak van die toenemende digitale gaping op verskillende groepe in die samelewing, spesifiek die armer gemeenskappe. (2 x 4) (8)
- [20]**



VRAAG 6

Lees die uittreksel hieronder en beantwoord die vrae wat volg.

OM BETEKENIS IN WERK TE VIND

Om werk as betekenisvol te ervaar, is iets wat elke werker behoort te beleef. Sommige mense kan egter nie betekenis in hulle werk vind nie, dus sal hulle heel waarskynlik oneties in die werkplek optree.

[Aangepas uit <https://sloanreview.mit.edu/article/what-makes-work-meaningful-or-meaningless>.
Toegang op 3 Desember 2020 verkry.]

Skryf paragrawe oor **die waarde van werk en werksetiek**.

Gebruik die volgende as 'n riglyn:

- Noem VIER maniere waarop werk jou kan laat voel dat jy 'n doel in die lewe het. (4 x 1) (4)
 - Analiseer waarom dit vir alle werkers nodig is om die vereiste etiese gedrag in die werkplek te volg. (2 x 4) (8)
 - Bespreek krities die belangrikheid daarvan om jou kernwaardes te verstaan om te verseker dat jy betekenis in jou werk vind. (2 x 4) (8)
- [20]**

TOTAAL AFDELING C: 40
GROOTTOTAAL: 100



